

四庫全書

史部

欽定四庫全書

史部

類宮禮樂疏卷三

詳校官監察御史_臣劉芬

編修_臣程嘉謨覆勘

總校官知縣_臣楊懋珩

校對官待詔_臣胡士震

謄錄監生_臣靳為樹

繪圖謄錄_臣劉理之

欽定四庫全書

頤宮禮樂疏卷三

明 李之藻 撰

祀典名義疏

學校之設自德行藝制而外莫重於先師之祀典父師
司成名其官曰祭酒蓋以釋奠先師而名載在聖祖誥
命可繹焉古者成均之教樂德樂語樂舞以饗以祀大
樂正實董正之而王制天子受命於祖受成於學出征

執有罪反釋奠於學以訊馘告則學與祖並重云武事
之不忘告也而況文德乎哉周禮大胥春入學舍菜合
舞注云入學釋菜禮先師也文王世子凡始立學者釋
奠於先聖先師適東序釋奠於先老疏云立學為重故
及先聖常奠為輕唯祭先師四時釋奠不及先聖諦繹
經傳三代之學先聖先師則必有分釋奠釋菜禮有隆
殺如云唯釋蘋藻無牲牢幣帛則釋菜禮輕如云奠有
牲牢有合樂有獻酬則釋奠禮重長樂陳氏曰學校禮

樂之所自出小有釋菜而以食為主大有釋奠而以飲
為主其習舞與聲而大合六代之樂則一也然而頌樂
合聲無釋菜之文其大胥所云入學舍菜合舞者蓋將
習舞乃先舍菜非合舞以行舍菜之禮也釋菜不舞不
授器禮有明徵故宋景濂曰釋菜無樂釋奠有樂無尸
此其辨也惟其無迎尸以下事故王伯厚曰釋奠釋菜
祭之畧者也此禮不止用於學顧學校祀典惟此耳周
以前封建諸侯國各有學東序之奠先老西學之祀先

賢所主皆不可考或云各祀其師如唐虞有夷夔周有周公魯有孔子也孔子沒天下學者宗焉天下萬世師則天下萬世所公祀魯國烏得而私諸遭秦滅學祀秩闕然雖漢高過魯卽祠太牢乃晉魏以前學廟未設太常釋奠肇於正始元嘉權奏登歌北齊乃舞六佾春秋二仲歲有事焉拜孔揖顏每朔一舉隋備四仲之祭日用上丁其猶古者四時皆祭之意歟貞觀定名先聖開元樂備宮縣而天下諸州配享從祀彬彬盛矣宋初以

上丁釋奠東序上戊釋奠西序是時登歌雖備樂止判縣元豐以還禮樂漸賁公元迄今小有損益而春秋丁祭則釋奠之名無改焉用丁象文明也不用丙者內事用柔也其國學吉月謁廟及州縣之附府者春秋二祭俱行釋菜禮進士釋褐亦釋菜各有頒行定儀設誠致行則有司存焉爾已

釋奠儀

國學先師釋奠欽遣重臣行禮南雍則祭酒主之是為

獻官監屬四員分獻御史監禮祠部監宰鴻臚引班太常贊禮其牲醴祭品皆出太常前期十日移會諸司前四日散齋演樂滌牲禮卿奉常祭酒司業咸往觀焉部寺屬官繼之博士書祝祭前一日致齋奉常乘馬教坊司備樂導送祝文祭品入廟行一拜禮詣彝倫堂填獻官職名是晚詣宰牲所省牲訖回宿齋房祭之日五鼓各官省視陳設先上廟行一拜禮候獻官至以祭其外郡國則以所在長官一員為獻官郡縣佐及教官為分

獻官或闕官則以應貢生代贊禮則諸生充之觀樂省
牲齋宿皆於祭前一日凡釋奠祭服與社稷同儒士陪
祭者深衣幅巾

堂上位次圖

至聖先師孔子神位

復聖顏子

述聖子思子

先賢閔子

先賢冉子

先賢端木子

先賢仲子

先賢卜子

宗聖曾子

亞聖孟子

先賢冉子

先賢宰子

先賢冉子

先賢言子

先賢顓孫子

陳設目

正壇

按會典舊制先師祭籩豆各十成化十二年祭酒周洪謨奏准籩豆各十二嘉靖九年釐正籩

豆各十去左籩糗餌右豆飽食糝食

犢

一九體

外祭不用

羊

一五體

豕

一五體

登一實以太羹

煮肉汁不用鹽醬

鉶二實以和羹

以豬腰羊腎肉造

籩十實以形鹽

藁魚

棗

栗

榛

菱

芡

鹿脯

白餅

白麵造

黑餅

蕎麵造

豆十實以菁菹

芹菹

鹿醢

韭菹

以韭切去本末取中

四寸

醢醢

豬肉鮮用鹽酒料物調造

兔醢

筍菹

魚醢

脾析

牛羊百葉切細湯熟鹽酒造

豚胎

豬肩肉

簋二實以黍稷

簋二實以稻粱

筐一實以制帛

壇東南西向

共設酒尊三

爵三獻

饌盤一

祝文案

壇西

壘洗一

盥盥二

露臺下東西向

四配四壇

每壇羊一

五體

豕一

五體

鉶二

爵三

簋二

簋二

籩十

豆十

今籩豆各八

簠一

饌盤一

十哲

東哲五位總一壇西哲五位總一壇

每壇共豕一

分五體一位一體

簠一

爵三

獻

饌盤一

每位爵一

鉶一

簋簋各一

籩豆各四

東廡

西廡同

共豕

舊一景泰六年增
為三解四十八分

簋一

爵三

酒尊一

罍洗一

盥盆一

饌盤一

每三位為一壇

簋簋各一

籩豆各四

爵四

樂器目

鍾十六

磬十六

杙一

敔一

建鼓一

搏拊二

琴六

瑟二

篴六

笙六

鳳簫二

橫笛六

塤二

篴二

翟籥各四十八

麾一

引節二

共樂生四十一人

舞生五十人

歌六人

陳設圖

正壇

府州縣學不用牛

饌盤

白餅

黑餅

榛

菱

芡

鹿脯

爵

和羹

醢醢

藁魚

棗

栗

至聖先師孔子

帛

爵

大羹

稷

梁

牛

燭

拜位

爵

和羹

韭菹

醢醢

菁菹

鹿醢

豕

燭

芹菹

兔醢

筍菹

魚醢

羊

燭

脾析

豚胎


紫

祝

四配陳設

復聖顏子
帛

曾思孟同



東西哲陳設

先賢閔子

爵

饗

黍

稷

菁菹

芹瀝

栗

形鹽

棗

鹿脯

鹿醢

兔醢

饌盤

豕

帛

燭

燭

爵

爵

爵

冉子以下同

五位共帛一爵三爐一饌盤一

兩廡三位一壇

每壇爵三簋盞各一籩豆各四爐一

先賢南宮子之位

(爵)

(栗)

(鹿脯)

(形鹽)

(棗)

(豕肉)

(饌盤)

(爵)

(燭)

先賢原子之位

(爵)

(黍)

(稷)

(豕肉)

(帛)

(爵)

(爐)

先賢澹臺子之位

(爵)

(菁酒)

(鹿醢)

(豕肉)

(爵)

(燭)

東廡商子木以下

西廡宓子賤以下俱同

十六壇共帛一爵三饌盤一

先師廟

歌歌歌

麾

舞

琴琴琴

瑟

遂橫笛

遂橫笛

笙鳳簫

笙鳳簫

笙塤

笙篳篥

楹鼓

舞

舞佾

歌

舞

歌歌歌

琴琴琴

瑟

笙篳篥

笙塤

笙鳳簫

笙鳳簫

遂橫笛

遂橫笛

舞佾

引

儀注

祭前一日執事者設香案於牲房外贊引者引獻
官常服贊引唱詣省牲所唱省牲執事者牽牲於
香案前過贊引唱省牲畢遂牽牲以毛血少許盛
於盤其餘毛血以淨器盛貯祭畢埋之是日觀樂
并習儀

正祭日將行禮起鼓初嚴遍燃庭燎香燭鼓再嚴
樂舞生執事者各序立於丹墀兩傍鼓三嚴贊引

引各獻官至戟門下立候通贊唱樂舞生各就位
樂舞生各以序進立於殿庭奏樂之所司節者分
引舞生至丹墀東西兩階各序於舞佾之位司節
在東則退至東四班舞生之首在西則退至西四
班舞生之首相向立通贊唱執事者各司其事各
執事亦各以序進就位訖通贊唱陪祭官各就位
衆官就位訖通贊唱分獻官各就位各贊引引各
分獻官至拜位各贊引退立東西訖通贊唱獻官

就位

贊引引獻官至拜位贊引退立於獻官東西

兩傍相向立訖

通贊唱瘞毛血

執事者捧毛血正

廟由中門出四配東西哲由左右門出兩廡隨之

瘞於坎遂啓俎蓋

通贊唱迎神

舞生執羽籥麾生

舉麾

唱樂奏咸和之曲

擊柷作樂

通贊唱鞠躬拜

興拜興拜興拜興平身

獻官以下俱拜訖麾生偃

麾樂盡擗故

通贊唱奠帛行初獻禮

捧帛者各捧

帛執爵者各執虛爵贊引詣獻官前

唱詣盥洗所

引獻官至盥洗所司盥者捧盥
贊引唱搢笏獻官

搢笏盥畢進巾
贊引唱出笏獻官出笏
贊引唱詣

酒罇所引獻官至酒罇所
贊引唱司罇者舉罇酌

酒執爵者以爵受酒同捧帛者在獻官前行

先聖帛爵由中門入四配帛爵左門入各於神案
之側朝上立贊引隨引獻官亦由左門入
唱詣

至聖先師孔子神位前
麾生舉麾
唱樂奏寧和之曲
擊

祝作樂贊引引獻官至神位前
唱跪獻官跪
唱搢

笏獻官惜笏捧帛者轉身西向跪進帛於獻官右

獻官接帛

贊引唱奠帛

獻官獻帛以帛授接帛者

奠於神位前案上執爵者轉身西向跪進爵於獻

官右獻官接爵

贊引唱獻爵

獻官獻爵以爵授接

爵者奠於神位前

贊引唱出笏

獻官出笏

贊引唱贊引唱

贊引唱出笏

贊引引獻官至祝位麾生偃麾樂暫止讀祝者跪

取祝文退立於獻官之左

贊引唱跪獻官竝讀祝

者皆跪 通贊隨唱衆官皆跪 陪祭官俱跪訖 贊引

唱讀祝 讀祝者讀畢仍將祝文跪置於祝案上退

堂西朝上 贊引與通贊同唱俯伏興平身 麾生舉

麾不唱樂生接奏先未終之樂 贊引唱詣

復聖顏子神位前 引獻官至神位前 唱跪 搢笏 獻官

搢笏捧帛者跪於獻官右進帛於獻官 獻官接帛

贊引唱奠帛 獻官獻帛以帛授接帛者奠於神位

前案上執爵者跪於獻官右進爵於獻官 獻官接

爵贊引唱獻爵

獻官獻爵以爵授接爵者奠於神

位前贊引唱出笏

獻官出笏

贊引唱俯伏興平身

贊引唱詣

宗聖曾子神位前

儀同復聖但捧帛執爵者跪於獻

官左進帛爵託

贊引唱詣

述聖子思子神位前

儀同前

贊引唱詣

亞聖孟子神位前

儀同前

通贊隨唱行分獻禮各贊

引詣各分獻官前

同唱詣盥洗所各贊引引各分

獻官至先所司盥者酌水贊引同唱搯笏各分獻

官搯笏盥畢進巾贊引同唱出笏各分獻官出笏

贊引同唱詣酒罇所引各分獻官詣酒罇所同唱

司罇者舉釁酌酒各執爵以虛爵受酒與捧帛者

俱在分獻官前行各至堂及兩廡神案之側朝神

位立候正廟贊引唱詣東哲西哲東廡西廡神位

前各贊引引各分獻官詣東哲西哲俱由左門進

東廡西廡各詣廡至神位前同唱跪同唱搯笏獻

官竝各分獻官措笏東哲東廡捧帛者轉身跪於

分獻官右西哲西廡捧帛者跪於分獻官左進帛

分獻官接帛

贊引同唱奠帛

分獻官獻帛以帛授

接帛者奠於神位前案上捧爵者轉身進爵如進

帛儀分獻官接爵

贊引同唱獻爵

分獻官獻爵以

爵授接爵者獻於神位前

贊引同唱出笏

各獻官

出笏

贊引同唱俯伏興平身贊引同唱復位麾生

偃麾擗敔樂止各贊引引各獻官至原拜位立執

事者亦隨至罇所立候通贊唱行亞獻禮贊引詣

獻官前唱詣酒罇所引獻官至酒罇所贊引唱司

罇者舉罇酌酒各執爵者以虛爵受酒前行至廟

如初獻儀贊引引獻官亦由左門入唱詣

至聖先師孔子神位前麾生舉麾唱樂奏安和之曲

擊祝作樂贊引引獻官至神位前如初獻獻爵之

儀行禮訖贊引引獻官如前出至原位麾生偃麾

櫟啟樂止通贊唱行終獻禮贊引引獻官竝執事

者儀同亞獻但麾生舉麾唱樂奏景和之曲擊祝

作樂行禮復位俱如初惟執爵者不必出廟外俱

在廟內兩傍立候徹饌麾生偃麾標鼓樂止通贊

唱飲福受胙進福酒者捧爵進福胙者捧盤立於

神位之東又令一執事取正壇羊左肩胙置於盤

贊引唱詣飲福位飲福位乃讀祝位也又令二執

事先立於廟內兩傍贊引引獻官至飲福位捧福

酒福胙者轉身向西立於獻官傍前廟內二執事

行於獻官西與捧爵捧胙者相對贊引唱跪搢笏

獻官跪搢笏進福酒者跪於獻官右進爵於獻官

贊引唱飲福酒獻官接酒飲訖西傍接福酒者跪

於獻官左接爵捧福胙者跪於獻官右進胙於獻

官贊引唱受胙獻官接胙訖西傍接福胙者跪於

獻官左接捧胙由中門出贊引唱出笏獻官出笏

贊引唱俯伏興平身復位贊引引獻官至原拜位

通贊唱鞠躬拜興拜興平身各官俱拜訖通贊唱

徹饌麾生舉麾唱樂奏咸和之曲擊柷作樂執事

者各於神位前將籩豆稍移動復立於原位舞生

直執其籥與翟同司節者在東進立於東一班舞

生之首在西者進立於西一班舞生之首舉節朝

上分引舞生於丹陛東西序立相向樂盡麾生偃

麾櫟啟樂止通贊唱送神麾生舉麾唱樂奏咸和

之曲擊柷作樂通贊唱鞠躬拜興拜興拜興拜

興平身各官俱拜訖樂盡麾生偃麾櫟啟樂止

通贊唱讀祝者捧祝進帛者捧帛執事者各詣神

位前待讀祝者先跪取祝文捧帛者跪取帛齊轉

身向外立通贊唱各詣瘞所正殿由中門出四配

十哲由左門出兩廡執事者取帛隨班出通贊唱

望瘞麾生舉麾唱樂奏咸和之曲擊祝作樂捧祝

帛者過訖贊引唱詣望瘞位各贊引引獻官分獻

官陪祭官至瘞所贊引唱祝板一帛一段數至九

段待焚訖樂盡麾生偃麾樂止贊引通贊同唱禮

畢

祝文

維

某年歲次某甲子某月朔某日某甲子某衙門某
官某等敢昭告於

至聖先師孔子惟

師德配天地道冠古今刪述六經垂憲萬世茲惟仲春

秋

謹以牲帛醴齊粢盛庶品式陳明薦以

復聖顏子

宗聖曾子

述聖子思子

亞聖孟子配尚

饗

祭祀榜文式

為祭祀事照得某年某月初一日丁闕致祭
至聖先師孔子其供事并執事官員人等俱依例齋戒
至日行禮毋得臨期違悞不便須至榜者
計開

一陳設樂器并樂舞生位某 生員充之後

同

一省牲引贊某

某

一監宰煮并造羹醢官二員某 某 太學用

助教掌饌二員外郡以生員

充之

一監饌二員某

某

太學用學正學錄二員

外郡以生員充之

一提調瘞坎二名某

某

正壇陳設并收及司香燭鎖鑰四名某 某 某

某

一東廡陳設并收及司香燭鎖鑰二名某

某

一西廡陳設并收及司香燭鎖鑰二名某

某

一監禮官二員某官某

某

太學有御史二

一引班官二員某

某

太學用序班二員外
員外郡無

一通贊某

某

一引贊某

正獻官某官某

太學欽遣外郡以所在長官

充之

一司執燈籠二名某

某

太學用監生外郡
無

一司鐸某

一嚮洗某

至聖先師孔子

一進帛并捧帛詣座坎某

一執爵三獻徹饌捧饌詣座坎某

一讀祝捧祝詣座坎某

復聖顏子

一進爵并捧帛詣瘞坎某

一執爵三獻并徹饌捧饌詣瘞坎某

宗聖曾子

述聖子思子

亞聖孟子開列同前

東哲

一引贊某

分獻官某官某

一進帛并捧帛詣瘞坎某

一執爵三獻并徹饌捧饌詣瘞坎某

西哲開列同前

東廡

一引贊某

一司醵盥洗某某

分獻官某官某

一進帛并捧帛詣瘞坎某
一執爵三獻并徹饌捧饌詣瘞坎某

西廡開列同前

一進胙受胙某

一進爵受爵某

一司樂器祭器洗滌并收官一員某 太學用

助教外郎生員充之

啓聖祠

正獻官某官某

分獻官二員某官某 某

右榜諭

衆通知

年 月 日

釋菜儀

春秋仲月上丁凡附郭州縣俱行釋菜禮國學則月朔
行之前期闕領祭品午後省牲貯毛血以俟瘞埋乃齋
宿

陳設目

正壇

各州縣丁祭則增羊一豕一

兔

一作醢

棗

栗

菁菹

酒樽

一連勺

爵三

邊二

豆二

盥洗

一連勺

盥盆一

幕巾一

幌巾一

香爐一

燭臺二

東配

二位共一壇
西配同

兎一

棗

栗

菁菹

爵三

籩二

豆二

香爐一

燭臺二

東哲

五位共一壇
西哲同

棗

栗

菁菹

爵三

籩二

豆一

香爐一

燭臺二

東廡

五十八位共一壇

西廡同

制同十哲

酒樽

一連勺

盥洗一

盥盆一

陳設圖

正壇

神位

爵 爵 爵

栗 菁藟 棗

兗醢

燭 爐 燭

拜位

東配二位共一壇
西配同

神位二

爵

爵

爵

栗

簋

棗

醢醢

燭

爐

燭

拜位

東哲

五位共一壇
同四配但少鬼醢

西哲同

神位五

爵爵爵

栗菁藁

燭燭燭

拜位

東廡五十八位共一壇西廡同

神位

爵爵爵

栗黃道素

燭爐燭

拜位

儀注

祭之日先於廟廡陳設如儀酒罇盥洗之所依釋
奠禮陳設於丹墀執事者先就位各贊引分東西
立分獻官各教官具常服分列於紅門左右諸生
排班俟獻官至通贊唱排班獻官以下各就位通
贊唱班齊通贊唱開戶未行禮之先禮生二人在
廟內兩傍立待聞唱即聞之通贊唱鞠躬拜興拜
興拜興拜興平身獻官以下俱拜執爵者各執虛

爵以俟
贊引唱行禮
贊引引獻官
贊引唱詣盥洗

所引獻官至洗所司洗者酌水盥畢進巾
贊引唱

詣酒罇所
引獻官至罇所
贊引唱司罇者舉罇酌

酒
各執事者以前虛爵受酒在獻官前行

先師爵由中門進四配由左門入各立於神案之

側朝上立贊引獻官亦由左門入
唱詣

至聖先師孔子神位前
引獻官至神位前
唱跪獻官跪

執爵者轉身跪於獻官右進爵於獻官獻官接爵

贊引唱獻爵

獻官獻爵以爵授接爵者奠於神位

前贊引唱俯伏興平身詣

復聖顏子神位前

引獻官至神位前

唱跪

獻官跪執

爵者轉身跪於獻官右進爵於獻官獻官接爵贊

引唱獻爵

獻官獻爵以爵授接爵者奠於神位前

贊引唱俯伏興平身詣

宗聖曾子神位前

儀同前但執爵者跪於獻官左進

爵訖
唱詣

述聖子思子神位前

儀同前通贊隨唱行分獻禮各

贊引詣各分獻官前

唱詣盥洗所各贊引引各分

獻官至洗所司洗者酌水盥畢進巾

贊引唱詣酒

罇所

引各分獻官至酒罇所

同唱司罇者舉罇酌

酒

各執事者以虛爵受酒在分獻官前行各至廟

及兩廡神案之側朝神位立俟

正贊引唱詣

亞聖孟子神位前各贊引隨唱詣

東哲西哲東廡西廡神位前

各贊引引各分獻官東

哲西哲俱由左門進各至神位前同唱跪獻官分

獻官俱跪東哲東廡執爵者轉身跪於分獻官右

亞聖位西哲西廡執爵者跪於獻官分獻官左進

爵於獻官分獻官各獻官接爵贊引同唱獻爵獻

官分獻官獻爵以爵授接爵者奠於神位前贊引

同唱俯伏興平身復位各贊引引獻官分獻官依

次由左門出至原拜位訖通贊唱鞠躬拜興拜興

拜興拜興平身獻官以下俱拜訖通贊唱闔戶其

內二禮生即闔之通贊唱禮畢

木主詒

在昔祀吾夫子或以繪像或以塑像闕里志司寇像凭几像乘輅像行教小影及唐吳道子所畫皆繪像之著者也而鬚眉有無孔叢子所載不同則畫像寧得其真乎漢光和唐開元皆畫七十二子像宋紹興亦有畫贊石刻今在杭庠尊經閣下夫孔子之像尚且未必真況於諸弟子像安得人人而貌之乎塑像本自佛教去孔

子殆五百年彷彿畫像而土木其形者耳玄宗出王者
袞冕服以衣孔子似木像可被衣裳者而與門弟子咸
服袞冕無復等殺祥符九旒九章桓圭以玉易木崇寧
十二旒而服九章元遂從而左衽之至正統中絳縣學
博猶以釐正左衽請夫惟土木偶像也是故章甫而冕
旒而左衽惟庸妄人之所為而無復義理且肥瘠短長
塑工皆得匠意妄作就使克肖而溫良恭儉讓之貌不
存焉吾夫子之神其據之乎朱子曰宣聖本不當設像

只合設主以祭蓋像則褻主則神束帛結蕝則又太樸而不可以常祀惟設為木主最為得禮之中故我太祖高皇帝毅然改為木主世宗肅皇帝又命盡撤塑像而後千古祀典之謬一革而新焉洪武因仍舊式嘉靖裁文返質合於古道天下學校欽遵今錄其式如左

木主式

正位

至聖先師孔子神位

洪武年間欽定大成至聖文宣王木主長三尺三寸五分連上雲下座共五尺二寸濶七寸連左右雲共二尺一寸五分嘉靖中定先師木主高二尺三寸七分濶四寸厚七分座高四寸長七寸厚三寸四分朱地金書

四配式同正位而尺寸殺之

洪武制木主各長一尺九寸五分連上雲下座共三尺濶五寸連左右雲共一尺一寸嘉靖改各高一尺

五寸濶三寸二分厚五分座高四寸長六寸厚二寸
八分赤地墨書

啓聖公神主與四配同

十哲 兩廡

洪武制木主各長一尺九寸濶四寸連座共二尺五
寸兩廡諸賢木主各長一尺七寸濶三寸連座共二
尺一寸嘉靖制十哲及兩廡木主俱高一尺四寸濶
二寸六分厚五分座高二寸六分長四寸厚二寸赤
地墨書

嘉靖制左丘明以下木主各高一尺三寸四分濶二寸三分厚四分座高二寸六分長四寸厚二寸赤地

墨書

凡從祀賢儒木主背書姓名位次以防混亂

釋奠詁

釋奠亦曰舍奠賈公彥曰奠之為言停停饌具而已陳祥道曰奠者陳而奠之也鄭氏曰設薦饌酌奠而已無迎尸以下事考之儀禮賓聘歸至于禴薦脯醢酒陳

陳者所以奠之釋奠設薦而已可知也特牲饋食奠解
於尸未至之前則釋奠無迎尸可知也孔疏云釋奠無
尸者主於行禮非報功也古者釋奠施於山川廟社或
施於學周禮大祝大會同造於廟宜於社過大山川則
用事焉反則舍奠又甸祝舍奠於祖廟禴亦如之此施
於山川廟社者也大司樂樂祖祭於瞽宗文王世子春
官釋奠於其先師秋冬亦如之凡始立學者釋奠於先
聖先師行事必以幣大昕鼓徵乃命有司行事興秩節

祭先聖先師及東序釋奠於先老王制釋奠於學以詠
誦告此施於學者也釋奠於學有常時之奠四文王世
子所載言春秋冬不言夏鄭氏以為宜從春可知是歲
四祀也有非時之奠三始立學天子視學出征告詛是
也所謂釋奠有牲幣有合樂有獻者大祝之釋奠告祭
也而凡告必用牲幣載於曾子問與夫始立學釋奠以
幣此牲幣之證文王世子釋奠必有合劉敞曰合樂也
此合聲與舞之證聘禮觴酒陳席於阼薦脯醢三獻一

人舉爵獻從者行酬乃出此獻酬之證今牲帛樂舞咸具而獻酬則第存飲福行於三獻之後蓋其簡也古者四時常祀第祀先師周禮凡有道者有德者使教焉祭於瞽宗此謂先師若禮有高堂生樂有制氏之類此謂經師蓋學生常祀惟此三禮義宗所謂四時入學不及先聖天子視學廼祭先聖與夫立學告誡亦兼先聖先師者是也或曰舜禹湯文為先聖當時左右四聖成其德業者為先師古無明文然舜禹湯文帝王之師天下

學校祀之則僭常祀則瀆惟吾孔子之聖生民未有自
天子達於庶人均之有師道焉稱曰至聖先師孔子而
配享者從祀者第稱先賢先儒禮有隆殺祀通天下蓋
萬世不能易也祀名釋奠故弘治間改分獻為分奠今
贊者猶稱分獻似誤

釋菜詁

釋菜亦曰舍菜亦曰舍萌大胥春入學舍菜合舞鄭司
農以菜為蔬食菜羹之菜康成云舍即釋也菜蘋藻之

蜀舍萌者占夢季冬乃舍萌於四方是也注云舍萌猶
釋菜也萌菜始生也士昏禮婦奠舅姑執笄菜毛詩采
蘋予以奠之宗室牖下蓋釋菜之禮猶摯然婦見舅姑
摯用棗栗暇脩若沒而廟見則釋菜弟子見師摯用束
脩若禮於先師則亦釋菜至於舍萌以贈惡夢則用以
祓矣喪大記大夫士既殯而君往弔焉釋菜於門內亦
用以祓此皆不但為摯用也故知釋菜禮輕非釋奠比
而注王制者以釋奠獻馘為釋菜奠幣則遂混淆釋菜釋

奠而一之南齊王儉以為始教皮弁釋菜示敬道也中朝以來釋菜禮廢今之所行釋奠而已則是釋菜更隆於釋奠乎文王世子始立學者既興黌器用幣然後釋菜不舞不授器蓋釋奠則舞舞則司兵司戈司盾授舞者器釋菜不然虞庠儼于東序一獻無介禮皆最簡即大胥有舍菜合舞乃先舍菜後合舞也樂正習舞釋菜亦將習舞先釋菜也入學也黌器也皮弁也頍宮之舍菜有三而總之皆以芹藻薦忱苟有明信澗溪沿洑之

毛蘋藻蘓藻之菜筐筥錡釜之器潢汙行潦之水可薦
於鬼神此之謂也今制月朔釋菜僅行之於國學而郡
國則於朔望之晨爇香展謁而已然爇香於古未有郊
特牲曰蕭合黍稷臭陽達於牆屋故既奠然後燭蕭合
羶薌凡祭慎諸此陳澔曰蕭香蒿也取此蒿及牲之脂
膏合黍稷而燒之使其氣旁達於牆屋是以臭而求諸
陽今不奠而燭香木與夫奠而不燭蕭合羶薌非古義
矣香木多出嶺南成周盛時未入包匭近世迺多用之

以祭朝廷時或遣使降香致敬所謂禮時為大殆此類乎抑或聖人聲教既已施及蠻貊以其方物附於薦馨固亦無所不可乎

齋戒詁

祭所以交神明也神明其德防其邪物訖其嗜欲心不苟慮必依於道手足不苟動必依於禮身不聽樂不敢散其志所以致精明之德而齊不齊以致其齋也散齋七日以定之致齋三日以齊之致齋於內散齋於外是

故先期十日太宰率執事而卜日遂戒大司寇於戒之日涖誓百官戒於百族而又協之以太史審之以遂師相之以司士卜之日王立於澤親聽誓命獻命庫門之內戒百官也太廟之命戒百姓也其戒曰各惕其職百官廢職服大刑滌狼戾執鞭以趨誓之以殺輶鞭墨嚴之至也既戒而散齋矣散齋雖豫外事不御不樂不吊不飲酒不茹葷不賓不鳴佩喪者則弗見也不蠲則弗見也凡不以哀欲惡貳其心而已致齋則王即齋官百

官御事各即其齋晝夜處於適寢不豫外事祭義所謂
思其居處思其笑語思其志意思其所樂思其所嗜齋
三日必見其所祭者精誠之極也而後可交於神明三
日齋七日戒此常禮也迺先儒謂人君卜日則散齋卜
尸則致齋大夫前祭一日筮尸則散齋九日致齋一日
士前祭三日筮尸則致齋三日則其禮有隆殺焉至於
飲食車服亦與恒異膳夫五日三舉王府王齊則共食
玉鬯人齊事共其秬鬯及期物人薦鬯犧人薦醴則齋

食異饌也諸侯玄冠丹組纓士玄冠綦組纓與夫綰佩
爵韞玄端素端則齋服異色也君羔臂虎犢大夫士鹿
臂豹犢則齋車異飾也王制天子齋戒受諫冢宰齋戒
受質月令先立春三日天子迺齋昏禮玄冕齋戒玉藻
將適公所齋戒居外寢沐浴儀禮疾者齋處適寢國語
耕藉齋三日古者凡有大事致其恭敬則無所不齋而
祀典為尤重云我聖祖諭陶凱曰經言鬼神無常享享
於克誠人謹方寸於此而能格神明於彼由至誠也然

人心操舍無常必有所做而後無所放耳迺命禮部鑄銅人高尺五寸手執簡書曰齋戒三日致齋則致朕前庶朕心有所做惕而不敢放也又曰齋齊心志對越神明此心不能不為事物所動檢持甚難蓋防閑此身使不妄動則自信已能若防閑此心使不妄動尚難能也蓋檢心如此而後可為神明其德祭則受福此非與祭臣工共當恪遵無數者乎令甲凡遇大祭祀前期七日陪祭官詣中書省受誓戒曰某月某日皇帝有事於某

神爾百官其聽誓戒祭祀必先齋戒然後可以感神明
戒者禁止其外事齋者整齊其內心凡戒是沐浴更衣
別於乾淨房舍宿歇不飲酒不食蔥韭薤蒜不問疾不
弔喪不聽樂不理刑名不與妻妾同處此便是戒凡齋
是專一其心十分謹慎不思別事才舉意時便想着合
祭那箇神道模樣如在虛空如在頭上如在面上如此
思想謹慎使其心至誠此便是齋如大祭祀齋戒七日
前四日戒後三日齋爾百官受誓之後各惕其職不共

其事國有常刑此洪武二年禮部所擬也奉聖旨大祀
宗廟是我祖宗只教百官齋戒三日餘准所擬後二年
仍定祀天地齋戒十日太廟社稷七日山川百神五日
先農三日兩京孔廟之祭則先期十日行會四日演樂
隔日庀事外郡國則先一日演樂齋宿然亦有不盡然
者夫齋戒宜稟令甲況士人誦法孔子一歲兩祀此而
猶然忽諸不知其可也

祭時詒

祭必用丁蓋丙丁屬火文明之象而丁其明之盛丙其明之初故祠令用丁不用丙至日質明行事亦取陰陽之交神屬陰神就人陰交陽也故求之陰陽之介古者天子視學大昕鼓徵所以警衆也衆至然後天子至焉命有司興秩節致祭先師先聖小宗伯祭之日告時於王雞人大祭祀掌夜嘑旦以詔百官康成曰夜夜漏未盡時也嘑旦以警起百官使夙興則質明在昧爽後也子路為季氏宰季氏逮閭而祭論者以為不敬他日祭

子路與室事交乎戶堂事交乎階質明而始行事晏朝而退孔子聞之曰孰謂由也而不知禮乎唐制凡祀以日未明十五刻大官令率宰人以鸞刀割牲祝史以豆歛毛血置饌所釋奠孔廟未明三刻諸饗官各服祭服入久之刺史方至又皇太子釋奠平明服學生之服立於門外蓋夜而割牲無夜祭者至宋釋奠仲春用丑時七刻仲秋用丑時一刻則夜半而祭不止逮闇矣或者先期省牲不欲久頓秋暑未退更為夙戒乎然日取文

明時用幽闇於義為舛藻嘗陪祀國學見其漏盡二鼓輒祭心竊非之旋有具疏論之者謂非祭丁迺祭丙然亦未能改也郡國尤無定時竊謂宜師古禮定以質明行事庶俾廟庭禮儀更肅橋門觀聽更新耳郊特牲饋食迺諸侯士祖禰祭禮而其儀曰厥明日夙興朱子家禮凡祭告皆用厥明固知釋奠先師不必以未央之夜為敬也古者祭饗皆設庭燎司烜共之火師監之其數則天子百公五十餘三十以為不若是則不嚴且敬也

今皆廢而不用尤非質明不可

省牲詁

大亨之饗牲牲為重周禮牧人掌之凡陽祀用騂牲毛之陰祀用黝牲毛之望祀各以其方之色牲毛之凡時祀之牲必用牷物外祭毀事用尫可也純色謂牷完體謂犧祭之日君牽牲卿大夫序從司徒奉牛宗伯奉雞司馬奉馬羊司寇奉犬司空奉豕太宰太僕贊事封人共水藁充人共其互與盆簋諸侯則士執鬯君執鸞刀

羞齎詩云執其鸞刀以啓其毛凡大祭祀皆然不止於郊丘廟社而已也大宗伯祀大神享大鬼祭大示宿眡滌濯省牲鑊小宗伯大祭祀省牲眡滌濯及詔於庭而麗於碑則王射之國語曰禘郊之事天子必自射其牲然考周禮司弓矢凡祭祀共射牲之弓矢則射牲之禮凡祀皆然亦非特行於禘郊也漢郊祀志武帝祠后土令侍中儒者皮弁縉紳射牛蓋猶行古之道者矣夫古者養老之禮天子袒割況先聖先師之祭哉令制國學

之祀用大牢牛羊豕各一牛用黃黝純色太常供牲祠
官監宰獻官分獻官省之外郡國用少牢則羊豕各一
而已牲無常牧臨時取辦先祭一日省牲如常儀

燔瘞詁

爾雅祭天曰燔柴祭地曰瘞埋祭山川曰廋縣祭川曰
浮沈周禮以禋祀昊天上帝以實柴祀日月星辰以禋
燎祀司中司命觀師雨師以血祭祭社稷五祀五嶽以
狸沈祭山林川澤記曰燔柴于泰壇祭天也瘞埋于泰

圻祭地也又曰列祭祀瘞繒則古禮燔非特帛瘞非特毛血也其禮之先後說亦不同崔靈恩謂祭天以燔柴為始祭地以瘞血為先是燔瘞各有所先賈公彥以為燔瘞在作樂降神之後而禮神又燔瘞之後則燔瘞俱在祭先曾子問曰天子將出必以幣帛皮圭告於祖禰反必告設奠卒歛幣玉藏諸兩階之間乃出此則所謂瘞繒者又瘞於既事之後矣郭璞云祭天既祭積柴燒之祭地既祭埋藏之則燔瘞亦俱在後與崔賈說異周魏

之間燔柴皆在祭末所燔則漢用牲首晉用左胖唐用牲脅以祭義考之升首所以報陽則天地燔瘞固當用首乃周禮羊人犬人亦有伏瘞則是凡牲皆瘞也詩云圭璧既卒書金縢爾之許我我其以璧與圭歸俟爾命則亦幣玉皆瘞之證今制幣燎於祭畢毛血瘞於迎神與古不同蓋毛血所以瘞者禮運云薦其血毛禮器云血毛詔於室國語云毛以告物血以告殺蓋血在內為告幽毛在外為告全以明表裏之純故用之於祭先也

儀禮大夫士無裸禮故殺牲而後迎牲迎牲而後迎尸
天子諸侯有裸禮故迎尸而後迎牲蓋尸入則裸牲入
則用幣於庭以告將殺既殺則薦血毛於室以告幽全
既裸然後燂蕭所謂燂燎羶薌見以蕭光以報氣者也
羶者脾腎之氣薌者黍稷之氣蕭合脾腎黍稷而燂燎
之在朝事之節則燂多在而血毛言詔不言燂則燂
似在後然皆不可攷矣裸也瘞羶也皆求神於陰也燂
柴燂蕭燂帛皆求神於陽也今祀無裸古者大夫士之

禮也抑亦宗廟有裸天地無裸義各有所重猶不失為敬之至也

迎神樂詒

周人尊禮而辨神於幽故先裸而求諸陰殷人尊神而求神於明故先樂而求諸陽郊特牲曰殷人尚聲臭味未成滌蕩其聲樂三闋然後出迎牲聲音之號所以詔告於天地之間也周官大司樂凡樂黃鍾為宮大呂為角太簇為徵應鍾為羽於宗廟之中奏之若樂九變則

人鬼可得而禮矣良由人神寥絕其接不易冥漠之表而欲以聲音召之非三闋九變未易感通宋大觀釋奠迎神曲黃鍾宮大呂角太簇徵應鍾羽各一成元制黃鍾宮乃至三成大呂角太簇徵應鍾羽各三成以合九變令所奏迎神第用宋黃鍾一曲而調改太簇羽以義揆之九成固繁一奏則太迫矣且一奏初動而贊者即唱鞠躬是音樂未暢而神已來歆既不煥蕭以臭陽達墻屋又不裸鬯以臭陰達重泉雖几筵如在而降格似

易言之宜於迎神之後獻官陪祭者凝立以待樂奏過半然後下拜庶幾得之

拜儀詁

兩手垂下曰拜周禮作摯令贊所謂鞠躬拜者即書稱拜手稽首是也禮曰拜服也稽手服之甚也拜手手拜也稽首首至地稽留也稽顙則以首叩地荀卿云平衡曰拜下衡曰稽首至地曰稽顙周禮大祝辨九摯一稽首二頓首三空首四振動五吉摯六凶摯七奇摯八褒

摻九肅摻蓋以輕重叙之稽首之禮最重記曰大夫之臣不稽首避君也孟武伯曰非天子寡君無所稽首知武子曰天子在君稽首寡君懼矣是稽首者諸侯於天子大夫士於其君之禮也故以之事先師焉頫首則首頫於手而已說文頫下首也何註首叩地即起也晉穆嬴抱太子頫首於趙宣子魯季平子頫首於叔孫則頫首非施於尊者之禮矣空首不至於手第空其首何註以為首至手而不相接振動者以手振動禮之輕者也

鄭謂王動色變為振動之拜疑悞吉擗者拜而後稽顙
凶擗者稽顙而後拜說見檀弓奇擗者一拜也儀禮鄉
飲鄉射聘禮士相見凡禮之殺者皆一拜也肅拜俯其
手而肅之婦人與介者之拜也少儀曰婦人雖有君賜
肅拜句為尸坐則不手拜句肅拜句所謂手拜者手至
地也士昏禮婦拜扱地是也褒擗者鄭注褒讀為報再
拜也古者非君非父非師但再拜而已故禮莫重於四
拜唐宋釋奠第再拜則太簡然唐制再拜者九宋制再

拜者二十六則又太煩至送神又皆不拜繁簡蓋胥失之今制前後皆四拜飲福再拜可謂得禮之中

奠帛詁

周官大宰以九賦歛財賄有幣餘之賦以祀五帝祀之日贊玉幣爵之事祀大神示亦如之小宰凡祭祀亦贊玉幣爵國語酬幣宴貨以示容合好故侑食有侑幣用饗有酬幣而禮神亦有奠幣所以將其誠敬也肆師立大祀用玉帛牲牷立次祀用牲幣立小祀用牲然攷典

欽定四庫全書

禮記集說
卷三

四

瑞所職則中祀未嘗無玉日月星辰有圭璧山川有璋
卽是也小祀亦或用幣釋幣于禰釋幣于行與夫息民
祈以幣大災奉玉幣之類不一而足凡用幣之禮其色
則天地四方各象其類大宗伯云各放其器之色是也
宗廟則玄纁雜焉聘禮制玄纁注以為玄纁之率玄居
三纁居二是也其數則十端為束曾子問裨冕執束帛
升聘禮玄纁束是也其長則一丈八尺天子巡狩禮所
載是也其奠則或於几上或於几下曾子問奠于殯東

几上聘禮玄纁束奠于几下出是也其埋則廟階之間
曾子問歛幣玉藏諸兩階之間聘禮埋於西階東是也
古者有燔瘞之幣有禮神之幣有從爵之酬幣酬幣施
於賓主之侑與酬也非祭祀所用今祭禮神之幣名曰
制帛正位用綾餘用絹俱白色長同古制祭畢燔而不
瘞其奠在初獻之前而樂與初獻同奏攷大成釋奠樂
譜乃成化中所刻其奠帛初獻各有樂章奠帛所奏寧
和也初獻所奏安和也其亞獻奏景和其三獻重奏景

和據此則奠帛訖宜降自西階俟奏畢仍升自東階以行初獻此亦唐宋舊禮而儀注迺奠帛初獻同奏寧和而以安和奏之亞獻以景和專用之三獻其奠獻次第悉同於社稷說者謂大社稷帝社稷皆無奠帛樂章故宜與初獻同行孔廟明有奠獻兩詩則奠獻各舉為當其說是也但奠帛初獻分為兩舉則亞獻終獻亦不免重奏一曲至送神望瘞又重奏一曲是六詩而八奏也大廟迎神泰和初獻壽和亞獻豫和終獻寧和徹饌雍

和還宮望瘞並奏安和而無奠帛之曲止於六曲七奏
若令孔廟有加殆為過禮國朝諸大祀典圜丘九曲九
奏方澤八曲九奏朝日夕月社稷七曲七奏歷代帝王
先農八曲八奏皆無一詩兩奏者惟方澤大廟於望瘞
重奏一曲釋奠亦重望瘞一曲祀師之禮同於祀親祀
示矣既極尊崇固不必重奏景和亦不妨奠獻同舉然
則見行儀注不為誤也

三獻詁

禮器云一獻質三獻文五獻察七獻神郊特牲云郊血
句大饗腥句三獻燔一獻熟鄭氏謂一獻祭羣小祀三
獻祭社稷五祀五獻祭四望山川七獻祭先公也然社
稷之祀不降於山川而大祫十有二獻四時與禘九獻
亦不止七且祫大於時祭而禘又大於祫若禘儕時祭
而祫之為獻反增則於禮為不倫周禮所載九獻以圭
瓚酌雞彝之鬱為一獻以璋瓚酌鳥彝之鬱為二獻酌
犧尊之醴齊為三獻酌犧尊之醴齊為四獻酌象尊之

盜齊為五獻酌象尊之醴齊為六獻酌犧尊之醴齊為
七獻酌象尊之盜齊為八獻諸臣酌於罍為九獻而祭
統尸飲五君洗玉爵獻卿句尸飲七以瑤爵獻大夫句
尸飲九以散爵獻士及羣有司解者曰凡祭二獻裸用
鬱鬯尸祭奠而不飲至朝踐二獻饋食二獻及食畢酌
尸則皆尸飲之故云尸飲五繼之以主婦酌尸賓長獻
尸此時九獻既畢因初二裸不飲故云尸飲七也自後
長賓長兄弟更為加爵尸又飲二并前飲九主人迺散

爵獻士及羣有司則尸飲凡九而獻不止九其所云十
二獻者似亦禮之所有周官掌客諸侯長十有再獻皆
所謂以多為貴者也陳氏曰司尊彛朝踐用兩尊皆有
壘饋食用兩尊皆有壘籩人醢人有朝踐之籩豆有饋
食之籩豆有加籩加豆則朝踐王獻后亞之諸臣之所
昨酢三獻也饋食王獻后亞之諸臣之所昨亦三獻也
併醕尸三凡九獻而加爵不與焉此宗廟九獻之禮也
加爵不與則九獻以外之獻也蓋古者宗廟之祭王與

后同有事焉又卿大夫士相之醑尸獻尸王及后各四
諸臣一以成九獻其禮如此漢以後南北郊宗廟社稷
但皆三獻昭代亦然無所謂九獻者享至九獻儀節太
繁將恐不肅所謂逮闇而祭日不足繼之以燭雖有強
力之容肅敬之心皆倦怠矣其為不敬大矣此之謂也
聖祖之諭中書省亦疑獻牲致帛酬酒奉饋為華飾之
過恐飾過事生禮繁人勸而享祀之神弗安所以作樂
殷薦雖自六奏以至九奏而禮則止於三獻蓋既無迎

尸以下諸事則九獻固無所用之耳或以為祭天地祖考皆九獻而孔子從殺禮僅三獻者蓋未攷典故也

飲福受胾詁

古者祭必迎尸尸酢主人受之嘏飲福者古相酢之禮也禮運曰修其祝嘏正義謂祝以主人辭饗神嘏謂祝以尸之辭致福而嘏主人祝以孝告嘏以慈告天子祭天地諸侯祭社稷祝嘏莫敢易其常周禮司几筵設王昨酢席鬱人大祭祀與量人受舉斚之卒爵而飲之所

謂飲福受胙者也然攷儀禮特牲與少牢饋食之禮飯
醕之後尸酢主人佐食搏黍稷以授尸尸迺命祝以嘏
或尸自嘏主人再拜士卒角大夫卒爵受醬寫醬與夫
三進爵三祭酒三奠爵蓋自皇尸醕飯而亞獻三獻無
不相酢特醕尸迺搏黍受嘏而亞獻終獻不過受尸之
酢爵而已也自開元開寶禮儀注及熙寧祀儀迺於亞
終獻飲福令第於終獻飲福割腥為胙洪武六年命別
用一牲先割胙置酒尊左右賜胙用之遂為常儀蓋今

之胾古之胾今之肉古之黍今之終獻飲福古之饋食
亞終三胾相去遠矣至於攝祭亦皆飲福受胾自唐以
來大尉攝祭禮皆如是然攷之古禮曾子問云攝主不
厭祭不旅不嘏不綏祭不配梁天監中明山賓議請郊
廟受福惟皇帝再拜明上靈降祚臣下不敢同也然則
攝祭而飲福亦皆僭也併祭主之所謂飲福亦謂之飲
胾焉而可也

五齊三酒詁

周禮酒正掌酒之政令以式灋授酒材辨五齊劑之名
一曰泛齊二曰醴齊三曰盎齊四曰緹齊五曰沈齊辨
三酒之物一曰事酒二曰昔酒三曰清酒郊特牲曰先
王之薦可食也而不可耆也所以交於神明者不可同
於所安褻之甚也禮器曰醴酒之用玄酒之尚蓋祭祀
之有五齊非人所飲不致其味特致其義而已故第云
辨其名也太古以明水為禮其後乃有玄酒玄酒變而
為泛齊泛者滓浮而上泛也又變而醴齊醴者滓汁相

將而一體也二者最濁次則盞齊盞者瀚瀚然蔥白色也又次則緹齊緹者成而紅赤色也又次沈齊沈者成而滓沈也三者差清此五者皆酒之始而未可以言酒但曰劑而已矣三酒則以飲矣給其材故辯其物事者方事於精漉也昔者久釀而熟也清者澄之而可飲也祭祀之有五齊以神事也有三酒以人養也酒正供五齊三酒以實八尊陳而弗酌所以致事養之義也大祭三貳中祭再貳小祭一貳尊各有副以祭之大小為其

多寡皆酌而獻所以致事養之用也朝踐犧尊再獻象尊皆有罍備其器也犧象之實泛與醴君獻之罍尊之實盎緹沈夫人薦之別其用也禮運玄酒在室醴醑在戶粢醑在堂澄酒在下坊記醴酒在室醑酒在堂澄酒在下禮器罍尊在阼犧尊在西君西酌犧象夫人東酌罍尊君親制祭夫人薦盎君親割牲夫人薦酒祫備五齊禘備四齊時祭備二齊朝用醴齊饋用盎齊諸臣自酢用凡酒而五齊三酒之用於是乎備矣釋奠之禮唐

以犧尊實醢齊象尊實盎齊山罍實酒皆設於堂上混而無別宋以泛齊醴齊設堂上則以神道處孔子也以盎醢沈三酒設堂下則以人道處羣弟子及諸儒也元因之令制但言犧象山罍而不言用何齊何酒實何尊罍其酒彷彿清酒盎樂章有清醑維馨之句或者泥於信南山之詩祭以清酒旱麓之詩清酒既載鳧鬯爾酒既清烈祖既載清醑而於禮經貴五味之本者未詳考耶抑有說焉太古未始有酒凡祭天神地示先農社稷

五齊以致其義宜也孔子維酒無量又云不為酒困則酒其生前所嘗享也又安取不可食之五齊以申其薦乎天下釀法隨其水土而異古人縮酌用茅醲酒浼於清與夫醴齊縮酌盞齊浼酌鬱齊獻酌事酒沛醴齊清酒沛盞齊之類恐是一方釀法今釋奠通之天下而以古人一方之法拘之或不可成其將必苟焉以塞夫祭品之苟且從事者多矣而又可益之以難一之酒齊乎以今之酒供今之祭禮時為大或亦無傷第醴當特設

金史卷一百一十五
市沽斷所不可耳

鬱鬯話

周禮鬱人凡祭祀賓客之裸事和鬱鬯以實彝而陳之
肆師祭之日及裸築鬯

音熬

禮記曰鬱合鬯又曰暢白以

柶杵以梧正義曰柶栢也梧桐也以栢香桐潔白擣鬱
鬯於神為宜然則柶也梧也皆所以築鬱而和暢之即
所謂築鬯也鄭衆曰鬱為草若蘭許慎曰鬯以秬釀鬱
草芬芳攸服以降神也中象米也所以扱之易曰不喪

七葉鬱芳草也十葉為貫葉百二十貫以煮之蘇恭曰
鬱金出蜀地及西戎苗似薑黃花白質紅未秋出莖心
而無實根黃赤取四畔子根去皮火乾蘇頌曰鬱金出
鬱林郡又生大秦國二月三月有花狀如紅藍其花即
香也諸說不同朱震亨曰鬱金無香而性輕揚能致達
酒氣於高遠古人用治鬱遏不升者此說是也用葉用
根凡二種今藥肆所用者苗如薑根大小如指體圓有
橫紋如蟬腹外黃內赤亦有香氣故用以和秬黍如云

出於鬱林則周時未入職方聖人不貴遠物未必取是以共祭況西戎大秦其說尤誕又有以鬱即為鬯者黃流在中之箋與夫朱子之註秬鬯一卣蔡氏之註秬鬯二卣皆以秬為黑黍一稊二米鬯即鬱金香草是也有以秬黍即鬯者鄭註周禮鬯人以鬯為秬黍孔疏曲禮凡摯天子鬯鬯者釀黑黍為酒其氣蕤芳調暢因謂為鬯是也有謂鬱鬯為兩種草者證類本草曰鬱鬯百草之華遠人鬱人所貢芳草合釀之以降神五音篇曰鬱

非鬯又別為一香草是也夫周官鬱人掌鬱鬯鬯人掌
秬鬯明分二職安可謂一但鬯取芬香調暢固不可謂
之草正義云凡鬯有二若和之鬱謂之鬱鬯鬱人所掌
祭宗廟而灌者也若不和鬱謂之秬鬯鬯人所掌黑黍
之酒即名鬯也以事上帝詩生民維秬維秠李巡曰黑
黍一名秬郭璞曰秠亦黑黍但中米異耳大者名秬中
有二米者名秠蓋宗廟之祭惟裸為重秬有一稃二米
嘉異之物天地和氣所生其芬芳已自調鬯於上下無

待鬱金之和此為秬鬯與鬱鬯別周人尚臭灌用鬯臭鬱合鬯令臭陰達於淵泉以求神於陰故宗廟有鬱鬯然無禮神之玉天地有禮神之玉則用秬鬯而已社稷山川外神亦用秬不用鬱也

粱盛詁

黍稷曰粱在器曰盛爾雅釋草云粱稷也禮記名稷曰明粱郭璞云今江東呼粟為粱周禮小宗伯辨六齎蓋受黍稷之器而注讀為粱以黍稷稻粱麥苽釋之則諸

穀通名粢矣大宗伯奉玉盥太祝五曰盥號則言粢而
盛可知閭師不耕者無盛廩人共接盛饌人共盛饌人
凡祭祀共盛則言盛而粢可知甸師共盥盛春人共盥
盛之米小宗伯表盥盛告潔則又兼言盥盛他經直謂
粢盛其義一也粢盛特祭品之一耳乃甸師共之春人
春之饌人饌之舍人實之大小宗伯奉之逆之而又王
后必自春其粢夫人必自春其盛而猶未也周公盛魯
公肅羣公廩則紀之公羊天子親春郊禘之盛則載在

楚語古人維馨之薦備物備官又必躬致其力以冀神明之格而今之粢盛有未必備其物者簋實黍稷簠實稻粱今有黍稻粱而無稷以蘆粟充之夫黍即秫也旱地所種稻即秔稻糯稻也水田所種粱即粟米也汜勝之曰粱是秫益大者粱小者粟一類也三者人皆知之獨不辨稷為何穀其蘆粟自名蜀秫北人謂之高粱其高丈許種以釀酒或飼牛馬豈祭品哉說文稷為五穀之長羅願云稷稌粱皆一物語音之輕重耳赤者名糜

白者名芑黑者名秬呂覽飯之美者有陽山之稌高誘
註云關西謂之糜冀州謂之縻月令章句稷秋種夏熟
歷四時備陰陽故為五穀之長寇宗奭云稷米先諸米
熟其香可愛故取以供祭作飯不粘其味淡一云三月
下種五六月可收與黍一類二種粘者為黍不粘者為
稷猶稻之有秈與糯也稷苗似粟而低小有毛結子成
枝而殊散其粒如粟而光滑北人通呼為黍不辨為稷
稷乃穀之最貴土穀之神謂稷上古厲山氏與周之始

祖棄皆以稷祀而奈何以他物代之此穀非難得者宜特種之或購之北方以共祭祀詩曰誕祀如何或春或揄或簸或蹂釋之叟叟烝之浮浮粢盛之不備而胡可輕以祭也

豚解體解詁

古者正祭天子諸侯有豚解體解大夫士有體解無豚解禮運曰腥其俎熟其餽體具犬豕牛羊腥其俎謂豚解而腥之為七體也熟其餽謂解之爛之為二十一體

也豚解者殊左右肩髀而為四又兩肱

也脊

一脊而為七

體解者左右肱之肩臂肱左右股之肱脰肱凡十二與

夫左右脅骨各三曰代脅曰長脅曰脰肩又脊骨三曰

正脊曰脰脊曰橫脊也然而二穀不薦於神尸主人之

俎兩髀不升於主人主婦之俎脰不升於吉祭之俎則

祭之所用者去髀脰故二十一去二穀則十九矣國語

禘郊之事則有全胄王公立飫則有房胄親戚燕飲則

有饔胄全胄即脾解房胄即體解饔胄則骨折也祭統

曰商人貴髀周人貴肩考之禮經周人之禮大抵脅貴中而賤兩端骨貴右而賤左貴前而賤後貴上而賤下祭不升髀以髀在後體也祭不用膾膾雖前非體之正也儀禮或言合升或言升左胖或言升右胖蓋用成牲則升其胖合升則髀亦升矣士喪禮載兩髀於兩端是也升胖則去髀矣既夕禮實羊豕左胖髀不升是也士虞亦升左胖公食大夫鄉射記少牢皆升右胖特牲尸俎右肩蓋禮皆貴右唯喪尚左則左右亦有別焉少儀

凡膳告於君子太牢以牛左肩臂臠折九箇少牢以羊
左肩七箇牷豕以左肩五箇其膳以肩不以膊者貴其
前也其肩以左不以右者右以祭也唐制肉載以俎皆
升右胖猶有古意而體分十一前節三肩臂臠後節三
肫脰鰈正脊一脰脊一橫脊一正脅一短脅一代脅一
皆並骨別祭而髀臠二鰈亦不與焉然曰別祭則視禮
經所云肩臂臠膊脰在兩端脊脅肺肩在上與夫正脊
二骨長脅二骨者亦已簡矣宗廟之祀始則以神事焉故

以腥終則以人養焉故以熟豚解而腥之法上古也體解而爛之法中古也體其犬豕牛羊設饌於堂行饋食之禮薦今世之食也釋奠有腥有熟而不敢以今世之食薦其剝烹燔炙皆在祭前亦不全用古禮其腥則太學之制正壇牛一九體羊豕各一俱五體四配羊豕各一五體東哲一豕分五體每位一體西哲亦如之東西廡各共豕三東解四十六分西解四十三分外郡國正壇無太牢兩廡俱止一豕其餘皆同然大抵全而不解

蓋去古益遠矣學校禮所自出博士弟子所當講求

庶品詁上

脯腊

鳧魚

周禮腊人掌乾肉凡四獸之脯腊臠胖之事蓋析而乾之曰脯全而乾之曰腊脯在籩腊在俎脯先於醢腊亞於魚腊或以祭或不以祭今祭惟脯惟鹿內則牛修鹿脯田豕脯麋脯儀禮大夫腊用麋康成云士腊用兔蓋凡脯腊之類皆田獸耳故不以鮮也郊特牲云大饗尚殷脩先儒謂薄析曰脯捶而施薑桂曰殷然則殷猶濁

氏之冒脯也斷者曰脰長者曰脩學者束脩以見師故
釋奠必致其脯非特此也冠禮有牲俎取脯以見母昏
禮婦摯脰脯見舅姑燕禮賓執脯以賜鍾人則脯之於
禮其用甚隆脯亦謂尹曲禮士虞謂之尹祭是也亦謂
之脰士虞禮脯四脰是也脰亦作挺鄉飲薦脯五挺是
也亦謂之臠鄉射禮薦腊用籩五臠祭半臠臠長尺二
寸也又曲禮藁魚曰商祭鮮魚曰脰祭則魚亦可謂脰
矣獻人凡祭祀共其魚之鱣鼈鼈亦曰鰠籩人朝事事

邊膾鮑魚鮓加邊之實淩芡栗脯則邊之所薦又先魚而後脯也古者禮重薦魚然鼠留有時月令季冬魚師始漁周禮甸師春獻王鮓夏行則脍鮓矣今春秋二丁祭魚非乏魚也而必以薨葢非薦魚獻鮓之時用薨猶存古意其魚之在俎或縮或橫或左或右進首進尾進鬐進腴禮皆不同然鬐者體之所在腴者氣之所聚禮貴右神貴氣則右首進腴為當

庶品詒下 蓬豆之實

周禮曰籩四豆者薦籩豆有四次一朝事二饋食三加
籩加豆者羞籩羞豆也王薦腥后亞獻於是乎薦朝事
之籩豆王薦熟后亞獻於是乎薦饋食之籩豆王醑尸
后於是薦加籩加豆既醑尸后於是薦羞籩羞豆今制
籩之所盛白餅黑餅形鹽鼈魚即周禮朝事之籩實也
棗栗榛即饋食之籩實也菱芡鹿脯即加籩之實糗餌
粉飡即羞籩之實也豆之所盛韭菹醯醢菁菹鹿醢即
朝事之豆實脾析豚拍即饋食之豆實芹菹兔醢筍菹

魚醢即加豆之實醢食糝食即羞豆之實也然周禮朝
事之籩尚有藟黃鰾鮑魚其豆尚有菖本麋鷄茅苴麋
鷄饋食之籩尚有桃乾棗其豆尚有葵菹羸醢麋醢蜃
蚶醢加豆尚有深蒲落菹鴈醢此數物者水陸飛潛家
畜田禽草木昆虫各有所取謂之備物而尋常之褻味
不與焉說者曰籩豆之實四時之和氣也又曰恒豆之
菹水草之和氣也然天下之物多矣凡其肥碩鰾庶大
抵悉鍾和氣所生若論食物性味則亦各有所偏人稟

五常以生尚多偏戾而謂此數物者獨鍾和氣則漢儒之迂說也必欲備物致享則內則所載子事父母婦事舅姑如穀部之白黍黃粱秫稌蕡菽麥食菰食草部之薊藿芣羹藈芥茶蓼薤蔥菓部之桃諸梅諸棋柰梨柰楂禽部之爵雉鷄雞舒鴈舒鳬鷄鴛鴦鵲鵲部之范蜩蝸魚部之魴鰱魚膾卵醬鼈而牛羊豕則有臠有臠有膾有炙又有野豕田豕脯豕麋膚麋腥麋脯麋膚犬馬狸狐狼其品甚多亦豈皆非和氣所毓而籩豆不

盡取焉蓋聖人固欲備物又不欲以四方難得之物繼之故所用於祭者皆中州常有可以隨取隨給而又不
用恒褻之味所以籩豆所需止此惟其取給土宜則北
方或乏菰苽南方或乏榛棗雖未盡合古典亦非甚礙
有用羗桃葡萄扶荔蓮實者亦皆足申維馨之薦豈其
五齊三酒之不必備而惟是籩豆之實之為拘乎洪武
中漂水丁祭以牛醢代鹿而聖祖罪之謂鹿為江南易
致之物而苟且從事所以可罪至正統三年仍有非其

土產以所產代之之令蓋萬里一統五方異宜各薦其物正以昭聖化同文之遠夫子聖之時者其必不以尊俎之獻強人以難耳至於朝踐饋食加籩加豆羞籩羞豆明有四薦而今皆豫為陳設則禮記郊特牲何以既有恒豆又有加豆耶蓋陳設之初惟當先設朝事之實其饋食加薦羞薦皆當於再獻三獻時次第進之以合古禮有司治之不可以為刼作之難而槩從苟簡為也周制籩豆各二十六漢魏六朝以暨宋元其籩豆之數

史皆不載惟唐書載大祀用籩十二實石鹽

即形

藁魚

栗棗榛菱芡鹿脯白餅黑餅糗餌粉簋而減周禮粢黃
膾鮑魚乾蓀諸物凡一十四豆十二實韭菹醯醢菁菹
鹿醢芹菹兔醢筍菹魚醢胾析豚胎飽食糝食而減周
禮菖本茆菹葵菹深蒲落菹鹿藿麋藿羴醢蜃醢廬
醢鴈醢諸物一十四其中祀用籩十則減糗餌粉簋用
豆十則減飽食糝食其小祀用籩八則又減白餅黑餅
用豆八又減胾析豚胎國朝釋奠率沿唐舊不盡與周

禮合亦已簡矣而所薦籩豆又不悉循古禮次第此議

禮者之所未安也然唐乾封中詔宗廟薦享爵及簋簠

登鉶各宜別奠雖不言及籩豆大抵亦非祭前並設熱

曰饘臠實曰菁即脂麻也熱稻曰白熬黍曰黑臠臠生

魚為大臠也鮑以魚於稻室中糗乾之也鱠折乾之即

莞魚也乾蓀乾梅也蓼芰也芡雞頭也糗熬大豆與糯

米即蒸餅也粉豆屑也或云糯米粉杆成磁膏舊註合

蒸曰餌餅之曰養以上籩實有骨為鷄無骨為醢醢肉

汁也昌本菖蒲根也菁蔓菁也茆芡葵也羸䟽蚶也羸

蛤也蜃大蛤也蚶蚶子也深蒲謂蒲始生者落箭萌也

筍竹萌也醢食以酒醢為餅或云以狼臠膏及蜜拌糯

飯成塊也糝食以牛羊豕肉與米合為餌而煎之也以

上豆實鄉紫蘇之屬藪菜芡也棋石李也柶小栗也棰

山查也乾雉曰膳鷺曰舒鴈鴨曰舒鳧鴛即鵠也麇麇也蜜蜂曰范卵醬鯢也即魚子俱見內則○菹音菹醢音醢鵝音泥茆音卵麋音均麇音皮蚺音池箔音臺配音移慘音散餘見後祭品

造祭品法

大羹

淡牛肉汁如無羊代

和羹

豬脊膂肉薄片滾湯焯過澆起鹽醬醋拌勻腰子切荔形菹面臨祭用淡牛肉熱汁澆

黍稷

稻粱

此四品各揀完潔滾湯湧起作飯

形鹽

淨白鹽印作虎形

薨魚

白魚重一斤白鹽醃過曬乾用時溫水洗淨酒浸片時

黑餅

黍粉造或蕎麥麵造

白餅

稻粉造或小麥麵造俱砂糖作餡印作小餅子

鹿脯

宰活鹿為之如無以獐虎代

韭菹

韭切去本末取中二寸淡用如無時則用根亦可

醯醢

猪脊肉細切小方塊用油鹽酒蔥椒蒔蘿茴香拌作鮓

菁菹

蔓菁畧經沸湯切長片淡用

鹿醢

鹿肉切小方塊製法與醢醢同

芹菹

生芹菜切作長段如無用其根

兔醢

宰兔取肉切小方塊作醢製法與鹿醢同

筍菹

乾筍煮過淨洗切作長片淡用

魚醢

活魚切小方塊作醢製與兔醢同凡造醢料每淨肉一斤所用鹽春秋二兩五錢夏三兩冬二兩香

油一兩淨葱白一兩五錢椒苗蒔蘿末各一錢

豚胎

豬肩膊上取肉一圓塊用若鹽數多肩膊以次皆可

脾析

牛百葉刷去黑皮切細條沸湯燙過鹽酒拌勻如無羊代

棗



栗

榛

菱

芡

此五種不拘乾鮮俱揀淨用如無則胡桃枝圓蓮子皆可代



數六十二外方內圓兩旁有紐上覆以盖高一尺厚半寸唇厚一寸口徑五寸二分深七寸二分底徑與口徑

同

簋詁

明堂位曰有虞氏之兩敦


對音

夏后氏之四璉殷之六瑚

周之八簋注以為皆盛黍稷之器則簋與瑚璉同用周名曰簋然而堯舜土簋則又非自周始也考工記旂人為簋則亦以瓦為之而先儒以為天地之簋用瓦宗廟

之簋用木則用各有宜矣其實一穀崇尺厚半寸脣寸
豆實三而成彘左傳四升為豆是簋容斗二升也其制
外圓內方易損卦彖云二簋可用亨四以簋進黍稷於
神初與二真其四與五承上故用二簋四巽文也巽為
木五離文也離體圓木器圓簋象也故宗廟之簋用木
其用瓦者天地外神尚質器用陶匏之類也周禮舍人
凡祭祀共簠簋實之陳之饌人共簠簋之實祭統曰三
牲之俎八簋之實美物備矣祭有餼以四簋黍玉藻朔

月少牢五俎四簋詩伐木陳饋八簋而掌客五等諸侯之禮其簋皆十有二則兼西夾東夾分饋所用而其陳之於堂上者固不過八簋而已也中縣以朱天子飾以玉諸侯飾以象其上有蓋儀禮曰啓簋會會者蓋也簋簋敦之蓋皆象龜形近制鑄銅為之或用磁博古圖所載有實簋旋簋饗簋煮簋方圓異制或四足或無足蓋玩器非祭器也



數六十二其制外圓內方有紐有蓋口徑六寸深七寸二分底徑五寸二分厚八分足底徑六寸厚半寸

簠詁

簠與簋相須為用正義曰方曰簠圓曰簋皆據外而言按孝經云陳其簠簋注云內圓外方受斗二升蓋形制雖與簋異而容受則與簋同也其實稻粱公食大夫禮云宰夫授公粱公設之宰夫膳稻于梁西註云膳猶進也進稻粱者以簠周禮掌客公簠十侯伯簠八子男簠

六注亦以為稻梁之器工覆以蓋四隅微稜起如雲狀
儀禮曰簠有蓋冪古者飾以金玉近制或銅或磁與簠
同



數二百有二形制如豆竹豆曰籩口有藤緣容受四升
面徑尺柄尺

籩古

周禮籩人掌四籩之實蓋朝事也饋食也加籩羞籩也

薦籩者凡四也朝事之籩其實麴方中黃切文白三黑

四形盥五膳六鮑七魚繡八朝事者謂清朝未食先進

寒具薦此八籩也饋食之籩其實棗栗桃乾榛櫞實按

饋食所薦皆果蓋食後繼以清饌加籩之實菱芡栗脯

淩苾臬脯

重言四物以明八簋

加簋者謂尸既食后亞獻所加之

簋也羞簋之實糗餌粉飧羞簋謂若少牢主人獻尸宰


夫薦房中之羞于尸者也周語品其百簋漢郊祀歌嘉

簋列陳庶其宴饗而所用則有等焉禮特牲少牢士二

簋二豆大夫四簋四豆則諸侯宜六大夫宜八矣簋是

竹器亦名簋魯祀周公以雕簋注簋簋屬以竹為之雕

刻飾其直疏謂雕鏤其柄



以木為之高一尺口足俱徑一尺校徑二寸實四升數
與籩同

豆詁

豆若脰然其實菹醢周禮醢人掌四豆之實朝事之豆

其實韭菹醢醢

醢音
醢

昌本麋鷄

乃今切

菁菹鹿鷄茆菹麋

鷄

麋音
倫切

饋食之豆其實葵菹羸醢脾析麇醢

麇音
迷切

蜃市

切

蚘醢

蚘音
移

豚拍魚醢加豆之實芹菹兔醢深蒲醢醢

涪菹鴈醢筍菹魚醢羞豆之實醢食

醢陳知切
音嗣

糝食

糝
素

咸切其獻饋與籩同用明堂位曰夏以楬豆殷玉豆周獻豆方氏曰楬豆以木為柄若蜡氏之楬而已玉豆於楬之上又飾以玉獻豆若周官再獻之獻也乃外宗佐王后薦玉豆是周亦用玉豆矣內宗薦加豆籩宗伯攝薦豆籩司士率屬羞俎豆所謂籩豆之事有司存也其數則古者二十有六祭與饗同故禮器云天子之豆二十有六諸公十六諸侯十二上大夫八下大夫六掌客所載則上公豆四十侯伯三十二子男二十四蓋禮器之

豆用數也掌客之豆陳數也聘禮致饗餼于士大夫堂
上八豆西夾六豆此其證也而總之以多為貴貴貴之
義也鄉老六十者三七十者四八十者五九十者六亦
尚齒之義也豆木器也醯人四豆以木而亦用瓦斚入
為豆是也呂氏考古圖說及政和近制以銅其足名鐙
中央植者名校祭統云夫人薦豆執板執醴授之執鐙
鄭注云校中央直者也鐙豆下跗也口圓徑尺黑漆飾
朱中大夫以上畫以雲氣諸侯則口飾以象天子以玉

欽定四庫全書

御旨
卷三
樂譜




數一範金為之高一尺四寸用盛太羹

登詒

爾雅木豆謂之豆竹豆謂之籩瓦豆謂之登登者執而
登之以實太羹之清醑唐書作飮公食大夫禮云太羹
清不和實於登清者肉汁太古之羹也不調以鹽菜以
其質故以瓦盛之詩生民于豆于登儀禮作鐙則亦以
金為之矣大抵食禮用之飲禮不設故鄉飲鄉射燕禮
皆無此器唐制釋奠國學飮三銅三州縣不具飮銅今

制先聖一登二銅配哲以下無登其餘簠簋豆之數
嘉靖釐正悉同唐制南雍太常二志所載如此今郡國
四配十哲皆具太羹用登殆非典制



數二十三足口有兩耳覆以蓋用盛和羹

鉶詁

禮運注鉶如鼎而小周禮脯修刑臠注刑與鉶同韓非
子堯有天下飯於土簋飲於土鉶亨人祭祀賓客供鉶
羹蓋鉶羹所以具五味也而鉶鼎則所以實羹者也自
羹言之曰鉶羹自鼎言之曰鉶鼎亦曰陪鼎以其陪正
鼎也亦曰羞鼎以其具庶羞也王日食九鼎而陪鼎三
大夫七鼎而鉶鼎四掌客上公鉶四十有二侯伯鉶二

子有八子男銅十有八聘禮之賓殯饗之羞鼎皆三
介殯饗之羞亦三少牢設羊銅豕銅特牲主婦設兩銅
則銅之為用甚廣不第為和羹用也今釋奠則以薦和
羹耳範銅為之



數三形似壺刻梓木為之畫山雲形即山尊也高九寸
八分五釐口徑六寸七分五釐深七寸五分脰高三寸
脰下橫徑九寸足高二寸貯初獻酒令制或瓦或銅兩
旁有螭首紐曰罍洗一曰罍尊挹酒以勺

尊彝詁

雲雷尊

象尊

犧尊

壺尊

太尊

著尊

周禮司尊彝掌六尊六彝之位詔其酌辨其用與其實
彝以盛鬯所以灌也尊以盛酒所以獻也獻尊象尊著
尊壺尊太尊山尊是謂六尊鄭司農云獻讀為犧

音犧

尊飾以翡翠象尊以象鳳凰孔謂犧象畫沙羽及以象
骨飾尊既諶禮圖犧尊飾以牛象尊畫象飾尊則於尊
腹之上而畫牛象之形說與鄭同乃王肅引子尾送女
器犧尊犧牛為尊因知象尊尊為象形則今制所用是
也泰亦作大虞之瓦尊也山罍即雲雷也畫為山雲之
形罍取雷義雷有聲無形雷起於雲雲出於山故刻山
雲一云刻木作雲雷形以象施之不窮也著尊無足而
底著地壺尊者以壺為尊左傳尊以魯壺燕禮兩方壺

左玄酒是也六彝者雞鳥斚黃虎雝也凡裸春祠夏禴
彝以雞鳥尊以犧象秋嘗冬烝彝以斚黃尊以著壺追
享朝享彝以虎雝尊以泰山虞夏以上虎雝而已夏以
雞殷以斚周以黃目明堂位曰泰有虞氏之尊也山罍
夏后氏之尊也著殷尊也犧象周尊也而說文以壺為
昆吾尊則亦商以前之器矣周兼用之而各有副焉大
祭三貳中祭再貳小祭一貳故大祫之尊十八禘祭之
尊十六時祭之尊十二皆備器以致孝享也唐制釋奠

先聖先師每座以犧尊實醢齊象尊實盎齊山罍實酒

皆貳宋制犧尊四象尊四在殿上為酌尊

注酒之尊

泰尊三

山尊二犧尊二象尊二著尊二壺尊二在殿下設而不

酌元制以犧尊實泛實以象尊實醢齊皆三設堂上以

泰尊實泛齊山罍實醢齊著尊實盎齊犧尊實醢齊象

尊實沈齊壺尊實三酒設堂下以象尊實醢齊設兩廡

國朝禮同唐制祇設犧尊象尊山罍其闕里志仍備六

尊之制蓋勝國之舊也或謂先師之祭宜備四代尊罍

增設副尊以示敬慎愚謂古者設一器必有一器之用
如春祠朝

問

獻尊王醴之饋獻用兩象尊后酌之


皆有罍諸臣

問

其量則彝受二斗尊受五斗罍受一

斛彝以裸故其受少尊以獻故其受多罍則助祭之臣
衆矣故倍其量是宜工尊之外復有副尊以備其乏今
三獻之外裸鬯迎尸酬酢一切不行則以雲雷尊供初
獻象尊供亞獻犧尊備三獻而於用已足雖無副貳固
不失為任質之義耳設而不酌毋乃以虛文事吾夫子

若謂循闕里之規備諸彝器俾入廟者知所講求此在
賢有司固無所不可



數一象形範銅為之穴背受酒於腹上覆以蓋蓋後有紐
以便開合瀉酒以鼻通蓋高九寸八分耳高一寸五分
濶九分深四寸五分口徑二寸二分通長一尺二寸七
分濶三寸八分容三升三合貯亞獻酒




數一牛形範銅為之穴背受酒於腹上覆以蓋制同象尊惟紐在前瀉酒以口通蓋高九寸四分耳高二寸二分濶一寸深三寸五分口徑二寸通長一尺二寸濶五寸二分容三升三合貯終獻酒

右象犧二尊載闕里志與博古圖相近吾杭郡庠祭器亦用之然似几案中物也古尊俱有楹禁以木為方案穴孔置尊則犧象二形似乎不倫如毛鄭諸說則刻畫牛象於尊腹與雲壘同制他處學校如此者

多典制祇有三獻之尊不言堂上堂下南雍志亦第
云酒尊不知四配十哲兩廡復用何尊闕里志載象
尊數十犧尊壺尊數各六盖似通諸兩廡泰尊山尊
著尊各二似僅設之堂下如元制也然犧象二尊其
說不一故配享從祀俱用雲雷尊或壺尊亦可




高八寸四分口徑四寸五分腹徑六寸深七寸一分禮運
曰門外缶門內壺君尊瓦甒則壺尊為磁器宜兼用於堂
上堂下其數九



通足高八寸一分口徑五寸七分腹徑六寸一分足徑
三寸八分深六寸五分瓦為之



高八寸四分五釐口徑四寸三分腹徑六寸二分深八寸三分木為之右三尊太常南雍諸志俱不載




數二十八幅廣二尺二寸以疏布為之釋奠儀譜用絳帛畫龍二四角以錢鍍金為墜以覆尊

巾冪詁

冪人祭祀以疏布巾冪八尊以畫布巾冪六彝蓋八尊以獻及於天地故巾疏冪不畫尚質也六彝以裸施於宗廟故巾畫而不疏則稍文焉凡王中皆黼則又畫斧於巾而白黑其色雖文而不至於靡也自宗廟以外凡祭尊彝有冪而冠禮聘禮則有醴而無冪君尊有冪而

大夫方壺士園壺則無冪皆因尊卑有隆殺也燕禮公尊冪用綌若錫大射冪用錫若絺士喪冪用功布士虞冪用綌鄉飲酒士昏特牲冪皆用綌君冬夏異大夫士冬夏一也然冪不止用於尊彝亦施於籩豆簠簋禮經所載如郊特牲籩中以綌纁裹士喪籩豆用布巾士昏笄緇被纁裹聘禮竹簠方玄被纁裹有司徹簠有蓋冪則冪之用非一而用之祭祀則尊彝尤重故歷代不敢廢焉若論致慎致潔則籩豆簠簋皆當偏設一冪今制

唯尊有霽蓋相沿之禮如此




數二十八柄長尺二寸九分口濶二寸一分深一寸一分縱徑三寸五分

勺詁

勺所以酌酒而注之爵者明堂位夏后氏以龍勺殷以疏勺周以蒲勺周禮梓人爲飲器勺一升龍勺者勺爲龍頭疏勺者刻鏤勺頭令疏通也蒲勺皇氏云刻勺爲鳧頭其口微開如蒲草本合而末微開也三者皆指勺柄開元儀先聖先師每座犧尊二象尊二山壘二皆有


勺元制堂上六尊兩廡各尊亦皆有勺而未著所用何
如金用龍勺範今為之臨獻則司尊者舉冪而酌



數一百二十八通高八寸三分深三寸三分口徑長六寸二分濶二寸九分前俯後仰兩柱三足有流有鑿爵所以獻也夏曰琖殷曰斚周曰爵琖者以玉飾之爾雅鍾之小者謂之棧爵之淺者亦曰琖也爵說文作爵象爵之形中有鬯酒又持之也所以飲器象爵者取其名節節足足也兩旁有柱使飲不盡戒其過也因以寓警焉祭統尸酢夫人執柄夫人受尸執足柄其尾也有足有尾命之以爵其制若雀然也明堂位言玉琖周禮

言玉爵春秋傳言瓘則三者皆飾以玉矣而有琖
爵散爵琥璜爵廢爵足爵總爵之名玉爵太宰少宰之
所贊也散爵加獻所用琥璜禮器所載廢爵無足足爵
無篆總爵口足有篆爵之總猶屨之總也宗廟之器以
小為貴貴者獻爵賤者獻散儀禮少牢鄉飲鄉射皆獻
以爵酬以觶梓人獻以爵酬以觶一升曰爵二升曰觶
三升曰觶四升曰角五升曰散觥亦五升先儒之說曰
爵盡也觥寡也觶適也角觸也散訕也總名曰爵其實

曰觴觴餉也觥亦名兕爵其用不同自唐以來釋奠飲
器皆以爵陸佃禮象圖載古銅爵云有首有尾有柱有
足有柄今制或瓦或木或金玉為之



高俎三有跗有蓋朱漆兩端中以黑蓋施兩環祭則舉環而去蓋正壇用之餘用古俎尺寸見前其數一百三十而無蓋


俎詁

明堂位曰俎有虞氏以梲款夏后氏以厥貴殷以楸矩

周以房俎陳氏曰斷木為梲橫距為歲楸木枝多曲撓房制似乎戶闔蓋有虞氏未有文飾斷木為四足而已歲之言蹙也俎則足間橫木有似乎距少牢所云俎距

是也禹為雕俎墨染其外而朱畫其內以致孝乎鬼神
則漸趨文飾矣杞之言枳杞也撓屈其足則愈文矣周
人足下加跗上下兩間有似堂房魯頌籩豆大房國語
王公立飫則有房烝是也周公之廟用梲巖魯公之廟
用大房其烝四代之制而用之者乎鼎俎貴奇籩豆貴
偶奇以象陽偶以象陰是故少牢五俎特牲三俎玉藻
諸侯日食三俎朔月五俎蓋皆尚乎奇也而司徹六俎
則又因時制宜有不必於盡拘者房俎長一尺八寸濶

八寸高八寸五分以載體解列於籩豆之間而禮樂志所載乃高二尺七寸廣二尺三寸長三尺此非古制古者席地而坐其祭也亦掃地而列俎豆其高不過數寸而止過高則不適于用近世改設高案故載牲之俎與案齊高此獨正壇全牲可以用之四配以下仍宜悉從古制庶可列于籩豆之間今祭率用牲盤失之太簡



數一十四長二尺廣五寸深四寸上蓋深二寸八分足高一寸五分

篚詁

篚箱屬通作匪象形漢志作渠應劭註曰方曰箱隋曰篚隋圜而長也

音妥

爾雅注隋狹長也禹貢厥篚織文蓋

以篚盛文錦而貢則其形狹長可知亦曰篚士冠禮緇組紃同篚禮記入學鼓篚鄭氏曰隋方曰篚蓋以盛書亦即篚也以竹為之上覆以蓋後世用木而髹以朱以

實制帛




高六寸深三寸一分口徑一尺四寸足徑六寸容九升
銅為之兩傍有環中飾以龜魚


盥洗匱盤詒

周禮鬱人凡裸事沃盥小祝大祭祀沃尸盥御僕大祭
祀相盥而登天府凡吉凶之事祖廟之中沃盥士師祀
五帝則沃尸及王盥泊釁水蓋祭祀之盥備官乃爾而
設之則於東榮士冠禮之文也設於阼階東南鄉飲鄉
射大射燕禮特牲之文也而壘水則皆設於洗東匱水

則皆實於槃中蓋祭之時有壘以盛水有料以斟水而洗則以盛棄水祭祀禮肅不欲其停污於地也特牲尸盥匱匱水實於盤中則匱之用猶壘而槃之用猶洗也匱亦名匱盤形圓有耳四足象獸洗制亦類匱盤而無耳有環今制設於墀東將獻則盥其悅用白布



高四寸五分深八分口徑一尺四寸高二寸二分濶二寸八分容一斗亦銅為之



金匱要略卷三
以木為之高九寸濶一尺二寸用白紙寫祝文黏版上
祭畢揭而焚之

祝案一高二尺一寸濶一尺九寸長二尺二寸

酒尊案高二尺七寸五分濶一尺五寸長五尺卓
面剝三孔仍橫置木板於孔下以載酒尊以代古
之枨禁凡三先師四配十哲皆雲雷尊也

爵帛案高二尺七寸五分濶二尺三寸長三尺


盥洗案與爵帛案同

以上四案皆近制也故不為圖說

外有毛血盤滌牲桶粃盆如數備之

庭燎隨用

香案香合洪武七年令祭祀皆免上香



類宮禮樂疏卷三